


雅頌正音

元劉仔肩選明洪武間棊本

燕庭鑒定



雅頌正音卷第四

鄱陽劉仔肩撰

黃肅子邕

豫章人

詠懷七首

少壯好遊覽不知中道憂方茲懷故土眷此成淹留  
 負闕蔽朝暉玄雲陰以浮徘徊當永夕嬾婉將焉述  
 棲鳥翔不息鳴蟲亦啾二人生無定止率歲何能休  
 馬瘦足力短士貧心志窮相如豈不偉條器難為容  
 憶昔擅一賦左右能生風黃金資費用意氣自填胸  
 述遭勿復歎命達皆稱雄

流水日夜流厚土胡不盈人生自不已四運有相承  
 達士識物化昧者徒營二蕩一晨風來悠二天宇清

會當撥俗惡，聊復從吾生。追呼心所歡，置酒坐中庭。  
忘言勿復辯，觴盡還復傾。

有酒既已飲，茲愁仍復生。何如長戚戚，憂患有相并。  
日月迭更代，何能久安榮。唯當委薄質，允矣將微誠。  
君心苟有察，婉孌餘芳馨。誰謂在咫尺，邈若萬里。

明：亮自適靡：詎違寧

中園桃與李，灼灼有奇花。彼姝將折贈，遐思在天  
此花傷夭折，為歎女容華。盛年難再遇，豈得長脩  
夫子新好合，不能思故家。欲因歌此曲，此曲令人  
匣鏡三十年，塵暗不復治。停飡且不寐，所思知為  
子不復返，眇在天一涯。縱衣終當緝，道遠何能

明：天邊月三五，入中閨。念與子懽愛，不得同光輝。  
寤言相與共，既覺將何依。

所適寡儔侶，任性不自知。輕心隘寰宇，高視誰能羈。  
荏苒逾立年，茫昧竟何為。乃知聖賢語，不離矩與規。  
塊然枯朽質，雕琢嗟良師。

白頭吟

長絲弦聲緩，短絲弦聲急。長短苦不齊，抱取向郎泣。  
明：皓月三五圓，缺念我所思。中道而別，噉雲中  
鴈北風聲烈，願寄一行書。與郎相訣絕，泰山高崑  
崙。海水不見底，妾心終不移。研山枯海水。

短歌行

來日苦少去日苦多人生不滿百痛當奈何當復奈何  
不如沽美酒置此高堂上與君長咲歌峻坂無停  
車急川無停波不如沽美酒置此高堂上與君長咲  
歌人生不滿百當復奈何痛當奈何來日苦少去日多

長相思

望嶽城南頭寬取別時路路邊有深井井上有雙樹  
樹有東西枝枝葉盡相附去年東枝榮今年西枝悴  
年年望樹枝樹發行人啼

仙人篇

翻：騎白鹿言上泰山頂俯觀浮世中不見百年影  
道逢古時人綠髮被兩頰授我採藥訣延年保壽命

我聞再拜跪問是何方求撫我袂我欲與我上天遊  
天上多桂樹枝葉何脩折取忽盈筥馨香露我裘  
何因入君袖道路長悠

李質文彬廣東人

王臺驛亭子

春去臺空迹已陳危亭傑出澗之濱清溪繞屋可濯  
足好鳥隔江如喚人明月委波金潏灩青山帶雪玉  
嶙峋桃花流水非人世或有漁郎來問津

和喻侍儀退朝韻

玉筍班頭左掖傍叨陪鶴鷺接清光羨君籍一青雲  
彥媿我蕭一白髮郎

龍樓五鼓漏聲催。賜谷寅賓日。取回稽首九重天。咫尺五雲低。駕六龍來。

彤庭樂奏殿前歡。侍宴歸來興未闌。擬頌河清歌。帝德願言。

聖壽萬年安。

吳植子立 嚴陵人

寄孟兼張國錄二首

璧靡於樂地。發軔稱竒塚。鍾鼓一朝饗。冠帶如雲未。橫經闡聖謨。稽古育群材。菁莪興詠歎。奎壁煥昭回。皇情敷文德。昌運自天開。抽毫贊鴻業。明良何盛哉。昔別意何長。重來歲華改。沈憂誰與娛。懷人邈江海。

寨裳涉汀洲。秋風被蘭茝。日夕零露繁。芳馨為誰采。嘉會諒難并。良辰詎容待。思君如明月。夜夜望光彩。劉汝弼還自海上。相與談詩于玉兔泉之西。齋如平生。懽惜予有閩陝之行。不得從容游衍。賦此留別。

羨子觀滄海。歸來及素秋。相從白下飲。絕似洛中遊。價重連城璧。才誇五鳳樓。明朝隔江漢。相望兩悠悠。留別張孟兼。

故人昔隱仙華山。高卧白雲終日閑。我携清都綠玉杖。相與嘯傲烟霞間。一朝忽被徵書起。姓名直入明光裏。清時冠帶園橋門。濟橫經臨璧水。坐擁臯

比三載餘石室仍紬太史書平生直氣橫秋嶽秉筆  
一字誅奸諛邇來峻擢儀曹上千載

皇風迴揖讓要知制作魯諸生元是傳經舊劉向蹇

予泉石是生涯白頭受薦未京華相逢共醉金陵市

一官却種河陽花人生離會良可惜已覺形容非昨

日馬頭萬點蜀山青回首秦淮烟樹夕丈夫才氣古

所難去有冠莫彈那箇酒熟寧辭飲飯顆詩成

得細看憐君最是知予者慷慨高歌起中夜葛令丹

砂或可求王喬飛鳥還堪借他時一笑逢萊巔碧桃

亂發東風前還將玉管吹明月叶以雲間紫鳳為

○題蘆花被圖

秋風吟就蘆花被一落人間知幾年澤國烟波惟見  
畫詩翁毛骨久成仙高情都付滄洲外舊夢長隨白  
鳥邊日暮江空轉晴雪至今惆悵釣魚船

秋水軒

秋水軒前秋水清美人曾此濯冠纓芙蓉隔檻露  
夕鷓鴣滿汀殘照明洛浦佩環誰共解渚宮賦詠謾  
多情滄浪歌罷無人和何處薰葭月又生

過南湖戲折藕花

秋日南湖戲采蓮鴛鴦飛上木蘭船一聲白紵知何  
處無復閒情似少年

劉崧子高廬陵人

題馬圖

天馬西來掠西極，萬里君門踏雲入。紫塞秋迴玉頰明，黃河夜渡拳毛濕。高冠圍人不敢騎，狂策却立當前墀。半垂絲韁斃青草，明日銀鞍趁班早。

織女吟贈黃進賢

憶昔束髮初，嬌倚雲錦機。折花事戲劇，笑託身上衣。一從十五時，學向機中織。絲短愁苦長，梭緩心轉急。永夜蘭燈懸洞房，門前梧葉零秋霜。寒手凍絲緒亂，絡緯悲啼金井牀。春花更疊黃金縷，花底青鸞蹴烟霧。東風何日天上来，擬奉瑤池宴歌舞。十日滿匹恒苦遲，一夕停梭生細絲。持刀沈吟剪秋水，粉泪欲

落愁風吹遠懷。素心人邀在千里道，何由托交歡。持此永相保，東隣小姬昔同年。至今盛飾為母憐，幾回月高鳴杼軸。正是他家夜彈曲。

雙翠軒詩為劉汝弼賦

雙翠軒開在鄱陽，萬斛山下官亭湖水之東。偏疏牕碧戶，照雲日。美人在望，何娟。問之此軒奚以名，云有雙檜者，乃是昔人手植之所成。百年雨露，見翹蔚萬井烽火遺，峰嶸鄰父老共歎。異摩挲重說當年事，屋角仍瞻秀色存。道傍更喜清陰庇，宜爾劉氏賢子孫。卜築未依承清温，不知虬龍骨鬣幾千尺。但見旌幢轟並立，當高門朝吟雙檜間。暮宿雙檜畔，願



親強健長相保得以蒼根與脩幹憶我往年湖上過  
東望鄱山千翠螺碧天無雲夜寒沈明月正湧黃金  
波此時懷君雙翠好不得停橈訪烟島題詩遠寄軒  
中雲歲晏端期拾瑤草

秋夜紀夢

美人遺我雲錦書問之所因吾故居章江千里波浪  
闊七月舟楫來何如書中字二光凌亂一讀中腸一  
回轉青鳥西飛不可招涼月斜風動河漢

秋夜詞

林鳥夜啼金井西蟋蟀在戶聲相齊中天無雲白露  
下漸見梧桐青葉低幽居此時愁獨曉蘭燈雙照蛾

眉小歌聲恐逐迴風高掩抑冰絃破清悄絃中語  
心月傷低頭却看明月光羅衣一夜惜顏色庭草明  
日露秋霜甘心霜下草祗在堦庭好不作白楊花飛  
飛洛陽道

芳樹篇

芳樹好容華深二暎狹斜二月三月時千枝萬枝花  
夜舞留瓊佩春遊礙寶車折榮遺遠者含思獨吟

送周德剛歸九江併柬其兄仲常

君家伯仲才名盛賤子東南道路窮往昔永懷千里  
別祗今謾想一尊同薰葭水驛青鳧雨落木山城白  
雁風歲晏林居最相憶九江消息若為通

秋林圖題贈曠伯達

迴風蕭蕭吹北林，行雲冉冉生夕陰。  
天寒雁去洲渚淨，秋雨龍吟波浪深。  
飄泊共憐今日興，畫圖因見古人心。  
幾時螺子青楓下，深結茅堂更遠尋。  
牛諒士良東平人

秋林高士圖

林臯木葉下江潭，秋水生靈颺蕩陰。  
霞落景涵虛明手，結芙蓉佩目送孤鴻征。  
冲襟契玄賞，招搖千古情。  
淦泉詩為劉明古賦

鄂渚通金匯，枝江入漢流。  
珠光宵射月，雲液晝涵秋。  
遠脉趨南紀，靈源接上流。  
潤兮滋蕙浦，香汎采蘋舟。

喬木承深澤，名公屬舊遊。  
觀瀟探妙理，育德繼前脩。  
浩蕩風雲會，飛揚歲月周。  
使軺輝翥鷺，鄉夢隔盟鷗。  
酌泗詩方美，投竿志未酬。  
賜帟看晚節，佩玉映芳洲。

畫梅

梨花雲底路，參差折得春風玉。  
一枝南雪未消，江月曉欲從何處寄相思。

紅梅

雁頭人未來，江南春幾許。  
惆悵玉簫聲吹落，胭脂雨。

顧觀利賓京口人

挾彈圖

窈窕雲生谷，蕭條風滿林。  
華裾因駐馬，翠樾正鳴禽。

似亦尋幽致，還能愜賞心。明朝五陵道，飛鞚落花深。  
為卜者馮生題山居圖

賣卜生涯薄，心猶遠市朝。欲歸盤谷隱，不受小山招。  
種樹環溪閣，開門隔野橋。桃花春水漲，漁客妾停橈。

夜坐

嘖二候蟲鳴，唯二寒雁過。擊柝警荒戍，然燈照孤坐。  
風從林外來，月向牕間墮。悲歌清夜發，激烈誰其和。

夫容野鴨圖

欲采芙蓉寄遠情，秋風江上錦為城。閒愁極付東流  
水，來看鳧鷖弄晚晴。

為素一無題扇

月中仙子種娑羅，樹底遙山隔絳河。吹落秋聲向何  
處，試簪牕戶晚涼多。

秋院竹木小景

庭柯日二減，秋陰翠袖輕。寒漸不禁拾得，堦前大梧  
葉戲拈湘管寫微吟。

梨花睡鴨圖

昔年家住太湖西，常過吳興晝盡溪。水閣筠簾春似  
海，梨花影裏睡鳧鷖。

吳去疾字同安慶人

春日雨中示友人

二月已過三月臨，茅堂窸窣常雨陰。梅花白二落已

盡楊柳青。渾未深。何日新晴出山郭。及時行樂稱  
春心。應須載酒窮幽賞。爛醉扶肩過竹林。

酬李卿

李卿好客天下無。日相過。惟酒徒眼花耳熱不復  
醉。瓶罄樽空還復酌。去年醉后留君第七日。踈狂淹  
客途。近有新詞來寄我。洒然清興滿江湖。

除夕

一暑一寒時又改。相看相守過今年。枰枰送酒來深  
夜。銀燭開花向暮。造物色漸隨新節。換老懷。偏為舊  
時慚。獨慚五鬼窮仍在。虛有錢神論可傳。

徐尊生大年嚴陵人

佩刀行并序

金華之永康有山曰雲巖。後起天半。有巨舟藏壑  
中。舟尾翹出如蠶。一釘墜崖下。野僧得之。以遺張  
君孟兼。孟兼製為佩刀。銛利特甚。尊生為作歌。

神人藏舟半天裏。絕壑崿崿露舟尾。錚然有物墮中  
宵。八觚稜。噌長尺。只野僧拾之歸。張公化為天矯  
精龍。不知何世何年。闕奇氣。刺犀。斷虎。一旦生神通。  
魑魅却走妖邪空。張公佩到蓬萊殿。天上群仙驚未  
見。青絲緹懸白玉環。當晝孤光搖冷電。為君泮厲向  
盤根。縱有青萍何足羨。他年躡縈歸浙山。莫行金華  
赤松間。精靈感會霹靂便。恐飛去無時還。

吳雲友雲義興人

題魏仲遠見山樓

百尺樓居盡日開，四圍山色送青來。平湖霽雨鷗波靜，盡棟春風燕子回。天末烟霞連海岱，座中賓客對蓬萊。登臨豈特如王粲，擬欲披雲接上台。

送李民瞻侍郎宣諭陝西

侍郎將

命出金鑾道路傳，呼遠近惟關內官。曾迎使節秦中父，老識衣冠雲開太華三峯秀。水遠黃河九曲寒，寄語洲川千畝竹。西風還解挹平安，子嘗為渭水故云

題周伯寧江山送別圖

江山天共遠，無限別離情。人去長亭在，空餘落鴈聲。

秋夜二絕句

中秋不見月，相思情未絕。倦對讀書燈，風來自吹滅。寒光滿天上，明月在水中。照我雙塘蓮葉，生秋風。

鄭沂於魯姑蘇人

題安慶府城樓

高閣崔嵬倚碧空，五雲深處望江東。勢羊太華群山伏，地壓長淮亘古雄。桂子影團千里月，梅花聲斷五更風。從今鍾鼓分明聽，過客爭誇太守功。

至淞江

路入雲間去，青雲上錦袍。水連三泖闊，山擁九峯高。

白鶴嗟何及。鱸魚興亦豪。淒涼千載事。醜酒向亭臯。

題山居圖

杜陵西上浣花莊。茅屋低低在石傍。最是可人三月節。一山春雨茯苓香。

吳伯宗 字同金溪人

賦得羅漢洞送陳宗進歸會稽

古洞根石壁。嵌空隱崔嵬。聞昔有異人。拄杖曾一來。靈跡已緬邈。洞門閉青苔。枯木寒未花。千年待誰開。屬茲休明運。百里紆良才。德星霽中天。移影照蒼厓。鸞鳳詎棲枳。覽輝謾徘徊。早見丹穴。雖志欲凌九垓。定省方縵綵。歸期忽相催。還轅過湖口。驛路隨縈迴。

吾知青雲興。却繞蓮花臺。風高墜落木。歲晏舒寒梅。明登會稽頂。想像遊天台。臨期重回首。兩地心悠哉。

題李氏棲碧樓

唐有謫仙人。風骨特高妙。晚愛栖碧山。開心付登眺。桃花與流水。目擊領其要。邀觀窮有象。幽討入無徼。不知誰相問。但覺遺一咲。聲落天地間。松風紫鸞叫。諸孫企高躅。異世頗同調。瓊樓梯空青。銀榜生光耀。予亦愛其人。臨風劃長嘯。

余氏山南小隱

萬疊碧山紆。維南好隱居。竹深清野闊。林響夜牕虛。古巷多回轍。庭床剩貯書。忽聞歌調起。白石意何如。

周子諒 字同廬 陵人

讀子書作

學館坐無事故書聊復看披文既薈藁尋義亦泮渙  
趨前後已逸願舊新輒竄萬言雖畢陳一理竟未貫  
往未終卷心目已憤亂置書歛視聽境地甚澄晏  
易書詩春秋舜簡義亦煥研書言五千隱約可徐玩  
奈何百家言磊疊几案綿延比葛藟根遠益纏絆  
遂令矜名士摹放如習幻雕刻出葩卉綴緝呈組纂  
悅日效女美飫口匪芻豢推以合身心宜若霄壤判  
吾欲盡其文掇取歸爐炭觀心勝觀書研坐夜旦  
濯穢來清澄磨昏出璀璨綿春雲舒烟秋月爛

詠歌成文章昭倬比雲漢往者予弗及來者予何憚  
作詩示朋曹無乃駭童壯

贈別郭元達二首

時雨布嘉澤林塘有餘清端居方自怡子有千里行  
問子行何為豈緣好爵嬰守道以時動所念在蒼生  
風雲浩茫山海日震盪撥亂需大猷寧徒阻甲兵  
温國之良蘊義富且精高歌起林莽抗議登明廷  
勿懷一身計勉樹千載名娒中林下小廉何足稱  
黃鵠乘天風飄忽高翔飛巢林鳥刷羽情內傷  
豈無凌霄志六翮不得長念子平生意相送以徬徨  
勿言易為別明發各一方悲來解佩劍為子復進觴

且為游子歌。詞何慨慷。疾風吹征颿。旭日在衣裳。  
自古有離別。各言慎行藏。

白紵詞

井梧墜葉聲如雨。轆轤夜靜莎雞語。西里佳人怨薄  
寒。惆悵燈前歌白紵。白紵新時白若霜。象床開合秋  
水光。製成只恐香塵汚。衣著偏宜九夏涼。西風乍入  
羅幃裏。數點清塵不禁洗。競開篋笥試新紵。舊服拋  
捐那復理。嗟爾白紵怨。勿深憐。新葉舊他人心願。將  
貞白永相保。今年卷却明年討。

秋風辭

秋風乍高江葉飛。秋水欲落江聲微。誰家寒事促砧

杵。別館清霜侵客衣。旅游漸倦黑貂弊。鄉信不來南  
雁稀。秋江搖落人當歸。秋江搖落人當歸。

戈鎬仲京鎮江人

桐孫曲

崑山玉軫蒼梧雲。膠弦涑水生古春。垂楊飛絲小鷺  
舞。海上桃花響紅雨。仙人鸞尾掃寒空。環佩行烟度  
湘浦。蘄猿墜石秋雲裂。鐵網珊瑚碎明月。臨邛病客  
看文君。鬢影星。半成雪。

涑水詞

紅船壓秋綉。水澁藕根香。昨夜龍沙月。鴛鴦夢薄霜。  
秋鸞掃蛾翠。生色染絲黃。為報潯陽客。行雲不下堂。



送陳伯淵教授歸沔陽

廣文金閨身臺城一相見  
壁素懸青燈花蟲蠹書卷  
去買沔陽船抽帆上秋水  
別路折垂楊歌聲斷腸起  
花落烟江口青芹新槽酒  
索寞辭官資還家奉眉壽  
春曉詞

春曉詞

鴉啼細柳東方明  
井上轆轤牽水聲  
花奴滿堂開翠屏  
銀爐燒麝素烟輕  
西原落秦川路  
白馬花鞭幾時去  
落花昨夜飛成團  
胡蝶歸來及春暮

菖蒲詩

溪毛剪雨森玉細  
葉鋪香晚花綠  
崑山石筍瘦如龍  
銀沙九節種春叢  
高堂坐客青雲氣  
鳳羽翹烟散

花机莫教秋質易  
闌珊日二銅瓶換芳水

寄劉彥炳

征旆遙分苑路西  
馬蹄春去弋陽溪  
相思欲和烏啼曲  
一拂瑶弦意恹迷

題野塘秋景

芙蓉秋色滿銀塘  
白鷺雙飛下晚涼  
記得采蓮看越女  
醉騎驕馬映垂楊

王敬中字同四明人

送商公禮赴温州

城東飛花點客舟  
花間春雨啼鈎輶  
風塵願我獨青眼  
湖海送君俱黑頭  
客成洞口明月好  
白沙渡傍蒼

樹愁雲山在望五百里何日相從汗漫遊

○南湖齋居寄友人

山寒夜透青綾被海日朝明白玉珂  
隱几不知春色晚停杯  
籊見落花多旗檀香裏來僧梵  
楊柳橋邊起棹歌  
咫尺湖光不相見竹床琴調近如何

○贈友赴廣州

烏府才華尔最賢北風又上孝廉船  
篋書尚有陳琳檄行李那無子敬  
氈帆影曉分湘浦月珮聲晴拂隱山  
烟壯遊萬里須乘興好著聲名到日邊

僧似杞楚材鄱陽人

寄題劉氏雙翠軒

兩株擁秀立階除絕勝蘭若畫不如  
畫影並移當几席嵐光相與落圖書  
羽衣霓袖臨風舞鴉髻雲鬢帶曉梳  
玳重二難孤未得更栽連理伴幽居

題朱元暉山水小景贈陳原貞別

江頭雨足春水生江上青山烟樹暮  
扁舟明發去如飛目斷征帆入蒼霧  
僧來復見心豫章人

車駕臨蔣山於崇禧寺賜高僧齋議設無遮會護成口號二首

崇禧寺前風日清

鑿輿遙迓定鍾鳴山林有道禪王化天地無私荷

聖情婁約入梁終應詔惠琳居宋豈貪名金山重感  
千年夢願濟幽靈谷治平

祇園花雨曉吹香手縮袈裟近  
御床閣下紫雲隨雉尾座間紅日動龍光金盤蘓合  
須殊域玉盃醞酬出尚方稠疊屢承天上供每慙無  
德頌陶唐

桂隱為日東楚上人賦

上人種得桂扶疎好似淮南隱者廬金粟滿林秋富  
貴碧藜溥露夜清虛月中子落翻紅後風外香飄起  
定初掛錫樽桑看秋色虛遊絕勝廣寒居

同朝天宮道士朝回口號

羽仙飛佩曉冷風禪子金襴映日紅共祝太平朝  
帝闕蓬萊兜率五雲中

午陰初轉

御橋灣齋退後客出九關天上好風重送喜

鑿輿明日幸鍾山

僧宗泐季潭天台人

江南曲

泛舟出晴溪溪迴抱山轉欲采芙蓉花亭二秋水遠  
心非檣上帆隨風豈舒卷但得紅芳遲何辭歲年晚

送瀾法師歸雲門

故山從此去何日更相逢獨倚千峰閣閒聽六寺鐘

石牀流水繞蘿徑落花封會有東歸興來尋雲外蹤

朝來

朝來暑氣清疎雨過簷楹徑竹敲斜起山禽一兩聲  
閒情聊自適幽事與誰評几上玲瓏石青蒲細二生

贈日本僧

海外趨商船江東住幾年華音雖已習耶信若為傳  
一鉢隨時飯諸山到處禪涼秋明月夜夢渡石橋烟

道中

青石懸蘿花幕二綠田今礪水冷二人家深住黃猿  
塢漁紙高張白鷺汀

僧廷俊用章鄱陽人

次孟天暉南山襟韻二首

南湖三月水如天共愛風流賀監船若道沃洲還可  
買數椽高卧白雲邊

日上南山春霧開雨餘鏡水綠如苔風流賀老今塵  
土短棹何人載酒來

僧懷渭清遠豫章人

畫梅二首

瑤臺夕承月玉砌曉凝霜花暎含章發枝橫禁籞長  
春風似相識偏惜壽陽粧

折得江南春悵望洛陽客悠二歲年暮浩二風塵隔  
遠道勿相思相思減容色

次孟天暘雜詠二首

賀監湖邊草色春。秦淮江上柳條新。山川是處堪行

樂。晴日風光思殺人。

暮春三日風日妍。亂折花枝送酒船。西嶺山光青浸

水。南池柳色綠生烟。

僧子概用堂四明人

思親

憶別長汀十二秋。羈孤江左謾增憂。寒蒲雨足橋南

浦。新笋春生舍北丘。破衲一身雲渺。寸心千里水

悠。鄉書莫寄天南鴈。堂上慈親已白頭。

雅頌正音卷第四

雅頌正音卷第五

鄱陽劉仔有撰

孫炎伯融金陵人

寶劍歌

寶劍光耿。佩之可以當一龍。只是陰山太古雪。為

誰結此青芙蓉明珠。為寶錦為帶三尺枯。蛟出水海

自從虜革累干戈。飛入芒碭育光彩。青田劉郎漢諸

孫。傳家惟有此物存。匣中千年睡不醒。白帝血染桃

花痕。山童神全眼如日。時見蜿蜒走虛室。我逢龍精

不敢彈。正氣直貫青天寒。還君持之獻

明主。若歲大旱為霖雨。

題好溪圖送憲使黃繼先

君乘馬望君來。枯蒼下。君乘舟望君來。好溪頭好溪  
水生玳瑁魚。好溪水生明月珠。好溪水生青珊瑚。使  
君來此月。再樞惟飲此水無一需。使君之清水不如  
臨別贈君青絛轡。隨君馬頭行萬里。相思之心有如  
水。

龍灣城

龍灣城。注如鐵城。下是長江城頭有明月。月色照人  
心不移。江水長流無盡時。

迎日詞

鳳炙兮麟脯。瑤席兮桂俎。樂萬舞兮如雲。吹笙竽兮  
龍二女。千牙二載以輿。六蒼虬。歷天衢。雲滃兮夜

未艾。執長轡兮久相待。

奉使還途中聞東征捷音

南來萬馬淨邊塵。銜璧歸朝盡大臣。城上一土繩浮發  
女帳前銀甲擁。

天人出師已畧扶桑國。奉使須通析木津。遂有江黃  
幕中夏。可無書檄諭全閩。

贈黃鍊師

留侯弟子有初平。九歲後師住玉京。天與數書皆鳥  
跡。家傳一劍是龍精。瑤池桃子無消息。海水桑田天  
淺清。我為紫芝歌一曲。夜深相答洞簫聲。

李克正 一名顯豫章人

送呂君采史北平

八月烏啼海子橋南來使客下青霄雲埋石室丹書  
在日落庭秋翠輦遙麟史未全歸

聖代龜文猶得認前朝詞臣載筆需文獻莫遣回車  
久窸窣

送劉汝弼歸鄱陽

楓葉江天爽氣高石頭送子上輕舸遙看一鴈歸  
秋水偏空濯羽毛

蘓伯衡平仲眉山人

雜詩二首

富貴每多合貧賤恒見踈自我罷朝請於今四月餘

平生交親者對之良可吁深情劇山海厚貌猶勤渠

微君仗高誼何以慰窮途豁達見肝膽壘忘其劬

君雖令人居君乃古人徒

還家信可喜還家亦可悲喜全骨肉親悲與故舊辭

吳越各異縣閩河復聞之明日一尊酒何由共歡持

念不忍別戚臨交歧童子笑謂我悲戚亦奚為

自非形與影安得長相隨

為呂仲善題江岫圖

尚書懷抱絕潇洒揮毫往凌董馬平生一筆頗自

矜數尺新圖為君寫齊山遙接吳山青溧波萬頃孤

帆征東風綠遍汀洲草總是旗亭離別情一在江南

一江地別情浩蕩嗟何極正如江上之淥波縱有并  
刀那剪得當時已足令人愁而今况復隔羅浮掩圖  
却上高臺望但見遠海連天流暮暈朝出與誰侶瘴  
雨蠻烟結悽楚斑枝花落鸚鵡飛苦竹叢深鷓鴣語

題劉汝弼東源小隱圖

東源山水好聞說似終南種黍都為酒誅茅小作庵  
過門人問字看竹客停驂亦有幽棲意遲晞我獨慙  
呂復仲善章貢人

題桃源圖

人跡不到處鳥聲春晝間桃花渾勝錦雲氣或成山  
仙子知名久劉郎何事還至今橋畔路猶聽水潺湲

題東林小隱圖

茅屋青山麓芸牕綠篠陰小橋通曲水疊巘出疎林  
門巷車塵遠桑麻夜雨深別來江海上誰與繼清吟

次劉汝弼東籬子所詩韻

不見劉郎久相思愁緒多偶然得佳句頓若起沉痾  
春綠王孫草泥香燕子窠  
皇都同作客慰藉可能過

題方壺蒼山秋意圖

昔遊華蓋仙人掌萬疊芙蓉紫翠生猶記月明聞鐵  
笛人間無處着秋聲

章貢聞柝



翠玉樓前聞擊柝，離情應向此中分。遙知孤枕金陵夜，還憶今宵月下聞。

唐肅處敬會稽人

孤鴻吟美夏節婦

冥鴻失其曹，孤飛自磬。巖霜殺野草，烈北風高。豈無雲間行，肅齊上下。顧之非吾匹，吾匹久以寡。生有孤飛影，死有孤飛魂。孤飛竟生死，誓不入他群。

陶詎漢生天台人

送魏太守之官姑蘓

東吳父老候麾旌，皂蓋朱轡五馬榮。名郡暫須煩魏相，諸生久恨失陽城。麟符剖玉

君恩重，燕寢凝香吏牘清。指日徵黃下

丹詔，又看環珮入承明。

題嵩高春曉圖

嵩高千仞青崔嵬，倚空壁立何雄哉。東瞻紅日海底出，西引黃河天上来。山君翠蓋珥絳節，仙館瓊漿分玉杯。我思從之不可得，忽見畫圖雙眼開。

題詹吏部所藏方壺畫

方丈蓬萊海上山，瓊林琪樹杳難攀。玉笙倚鳳真仙下，羽蓋騾龍帝子還。縹緲蹤蹤遊物外，淋漓醉墨落人間。九天少武尚書履，應與壺公接佩環。

湛上人鐘秀樓詩樓在四明東湖上

百尺樓居聳碧霄天開圖畫足逍遙一帆春雨來湖  
口兩岸青山落樹腰夜坐翻經香欲冷詩成倚柱酒  
微消東還擬遂登臨興慚愧無才趁早朝

蕭執子所廬陵人

劉子高贈王明善依韻以和

匡廬之山瀑布泉老子結社來何年林間經罷常隨  
鹿雲外樵歸或遇仙坐石有時巾挂樹焚香終日袖  
携烟市南別有秋江水種得花開總是蓮

綠筠軒為姚宰作

綠筠陰翳牕戶此是姚侯讀書處搖空翡翠晚宜  
人食實鸞鳳曉相語稚子牽衣惜春靈候平編籬護

秋雨何當便棄人間事抱琴走覓湖山佳

次答劉汝弼見寄之什時汝弼客德慶侯第  
春事今餘幾花枝已不多向人愁作客思爾積成痾  
威鳳翔高漢慈烏戀舊窠平津東閣好早晚定相遇

張孟兼字同金華人

春夜學宮宴集以春宵一刻直千金分韻得  
一字

良夜款橫宇髮几散芳帙秉燭延餘光焚蘭發清芬  
於焉衆彥并遽爾百憂失交深固金石情洽契膠漆  
睽茲蕭爽地際此休明日  
皇風既遠被適觀四海一

送宋仲珩省母歸金華

翔風歲華晏。遊子去京國。為言省慈母。念之忘寢食。  
山川雖云遠。何敢憚匍匐。客懷畏別離。令我忽悽惻。  
我家子同里。近在南山側。相去一舍間。况是素親識。  
往者各家居。朝夕弄文墨。時常子來過。暫離輒相憶。  
自期韓孟交。叩難惟籍湜。子才實超邁。字畫更奇特。  
夙多臨池功。揮洒雄筆力。豈獨鍾張輩。可作當代則。  
比來接摺紳。容度彌整飭。恍如雜葩卉。方春競顏色。  
顧我絆微名。窮巷歎偏仄。果非子慰藉。何以洗胸臆。  
咲語每移時。欲去必曛黑。固知千里外。此樂不易得。  
子今遽去我。而我心轉盡。辭親四寒暑。未得供子職。

近雖道路通。半載無消息。便當從子歸。恨不生羽翼。

送朱仲雅經歷赴任湘江

人生託交遊。所貴在有道。朱子西江賢。一見相傾倒。  
維時奉明詔。編書共論討。剪燭清夜間。遂得罄懷抱。  
越茲僅一載。過從每情好。今晨來叩門。告別何草草。  
草為持紕網。地振理實繁。浩西州風俗。媮君去宜再。  
造必若救瘡痍。蝨賊期盡掃。  
明主憂黎元。到官須及早。仲冬草木凋。風霜漸晴昊。  
遠別令人愁。此心慙如擣。

送鄭林車

鄭子離襁褓。所怙惟乃父。昔仕燕京半。世去鄉土。

子家孝義門十世居同聚派衍白麟支望出滎陽譜  
庭常無間言禮或習邾魯雞鳴起盥櫛合食聞鍾鼓  
雖當喪亂後遵訓仍厥祖我家故同邑匪聞目親覩  
况子吾素知才華足多取豁落義氣俱欬唾珠璣吐  
揮毫走蛟螭作賦凌鸚鵡昆弟既謂賢親隣亦稱數  
父欲尋父去奈時方用武消息十年無道路滿豺虎  
近傳燕薊平不覺喜而舞聞父已南還恨不身挿羽  
歛衣即登途宵進江上舫忘食并兼程亦不避風雨  
逾旬及南京適父病將愈逢旅會面歡勝渴飲酥乳  
比隣走翁媪環視立如堵我時往相見政值日卓午  
梳之入客邸共談坐揮塵問言念父情深話颯續

知子之所經跋涉甚辛苦春泥膏土肺停雲黯天宇  
朝行履濡露暮宿定林菴我惟純孝者往々見前古  
名同金石堅不與草木腐事親在娛樂奚必養三釜  
羨子為此行於世豈無補聞者大譎竒見者輒誇詡  
人生斯足榮何用效題柱是言良已解口答頭屢俯  
陋予亦胡為問學本狂瞽三年事佔畢竟日拘訓詁  
環列紛呶難類敵張勁弩內顧實空乏畏彼搜林斧  
幸哉搢紳交脫畧噲等伍或時卧養痾連月不出戶  
今日子來別省墓亟東下為言奉父命明發河之滸  
此還暫當來寤寐歌陟岵聞之觸鄉思慨嘆髀頻拊  
吾翁髮垂白不得躬幹蠱便欲從子歸致身學稼圃

漱廬南山中風物詫常杜桃李自滿蹊去天纔尺五  
但見桑麻榮豐年多黍稌昨宵夢先墮松楸長樹  
強起訴此懷喚僕買清醕春風吹柳條夜雨漲江浦  
勸子盡一觴聊以寫心腑

予友陶本中與予先後來京余來時本中  
為奉新簿已二年適以公事至聚首一日即  
去嘗示予近詩數首曾未幾何有自江西來  
者則云本中死矣噫豈文字之交而遂絕於  
斯耶予交本中情好之篤雖弟昆莫過今死  
矣而欲不衰得乎因為哀詞一章書其詩後  
以志予悲

今晨開篋笥得子前日作攬之不忍看但有清泪落  
昨者客來過云子已冥漠始聞凶所信終乃大驚愕  
飯食不能冷使我懷抱惡慟笑天為愁春風亦蕭索  
去年見子時大雪被城郭歲晏復東西彼此歎飄泊  
何期聚散後生死竟難度緬思故山日文字得酬酢  
或時中夜舞擊劍起揮霍自期古人儔流俗已脫略  
焉知出處輕身世隕風籜百年金石交一旦付綿邈  
重山烟草深白骨定誰託杖涕一題詩聊踐平生約

漫興

梨花半開夜雨催無奈李花如雪堆門前美人不見  
來東風楊柳吹千迴

青驄驕嘶金鞵街美人二月裁春於江頭麥秀青蘄  
蘄西湖放船開錦帆

義門鄭仲舒先生得請歸浦江余於先生同  
里且親故賦是詩情見乎辭矣

鄭公去年離北平束書抱病來南京城隅解后喜且  
譎開顏握手言再生自從南北屢構兵日夜悵望鄉  
關情幾回寄書鴈南征中心搖若懸旌苦遭喪亂  
百病嬰客邊囊橐一旦傾此末四顧徒然豈料吾  
子與合并我時聞之涕泗橫况公素有文章名居官  
勝國職最清經筵之擢轉庠黌及當玉署已宦成又  
為奉常典染盛人生際此自足榮但恨白髮已數莖

懷哉屈子全忠貞誼與日月同光晶願言夕飡秋菊  
英佩明月璫紉蒞蘅懸河之論春雷轟使旁觀者顏  
發頽索居半載留帝城坐聽夜雨哦寒檠眼前倏忽  
時變更春風一見衰草萌公家孝義好弟兄遣兒千  
里來遠迎乃令得請荷

聖明身若插羽乘風輕過門云別明遂行開船要趁  
蒸雨晴夜久不寐視長庚長庚欲落鍾鼓鳴庭樹喔  
喔聞雞聲蒯緄起舞冠絕纓公啼我愁絲亂縈亦有  
夢寐懷先塋如過吾父歎紫剝為言恨不同趨程終  
當早晚乞歸耕

蓮房聯句

宋遜張孟兼高啓

露冷鏡湖秋宋波涼練塘曉盤翻綠雲稠孟錦破朱  
霞少新苞顯微綻高餘葩尚嬌瘦璽綴寒蚕珠尖  
喙啄青鳥下唯玉龍眠孟中有瓊絲裊擎重柄欲折  
啓金深晴尚宵孤懸類霞杯孟雙立疑擢表啓初  
成欣雨滋孟漸老怯風掉啓多子同根榮啓獨婦專  
房悄璫粒卸失娉婷啓歌來逢窈窕璫剖心效諫忠  
孟並頭呈瑞兆啓裏蹄密竅璫魚目微光皎啓珠  
珥落繁多啓瑤軒貯囊小璫空實外莫辨甘苦中自  
了啓剥淺星滿地采盡香餘孟離進飮載玉虫  
攢樓送看出小艇薦喜對清醪孟新嘗勝江灸遠  
覓迷水慕寒芳想夏初啓感物傷秋杪孟聊茲發吳

詠一咲烟水渺璫

北山草堂

草堂卜築近嶙峋在石蒼苔跡未陳澗瀑亂鳴前嶂  
雨山花遲發半岩春每逢過客留題壁自有居僧為  
卜隣松下茯苓令亦大可能謀食樂終身

金華洞天

洞天萬仞落空翠神仙何年上青霄蛟龍已去荒窟  
宅雞犬無聞遺鼎瓢冰湍洒暗猶落巖雪陰春  
不消我欲乘風問生術林間黃精深雨苗

登聚寶山分韻得春字

蹤跡憐身拙登臨縱目頻江山如好客花鳥故餘春

落：行藏異悠。歲月新數。莖初白髮。朝夕為忌。親

春日遊鍾山以溪田松風長分韻得長字

訪古耒鍾阜。尋僧問草堂。千年猿鶴靜。一迳石林荒。  
泉落春冰細。梅留臘雪香。鄉心憐薄暮。矯首碧雲長。

高啓季迪姑蘓人  
聖壽節早朝

天啓

聖圖昌流虹。叶夢祥飛龍。起江左。戰馬放山陽。宮柳  
垂閭闔。仙桃熟建章。遠人陳貢篚。近侍挹爐香。金鏡  
千秋籙。瑤池萬歲觴。小臣歌拜手。舜日正舒長。  
甘露降宮庭。栢樹

和氣融為液中宵。降碧天光溥。高栢上瑞。以內庭前  
見日朝。還法經風。晚盡堅芳穠。蜂蜜滑的。時蚌珠圓  
厚澤歌難喻。沉痾飲易痊。願言推  
聖德。濡沃遍周垣。

擬古四首

纂：墻下李苑。破中麥。浩望遠途悠。思行客  
客行歲已盈。紆鬱傷我情。始知失群鴻。不若求友鶯。  
登山知天高。臨流識川阻。不遣懷同心。那知別離苦。  
別離不可久。寂寞不可守。自傷紅顏子。相思成皓首。  
朝日如不晚。行人會當返。  
嵯峨雲間樓。俯視層城陰。綺戶相洞開。清飈拂羅襟。



上有離居婦哀歌撫絃琴不知中怨誰掩抑一何深  
初為郢中唱再奏邯鄲吟不惜努力歌寫作絕代音  
風吹落君耳萬里知愁心曲盡思寂寞青天日西沉  
安得化彩鳳飛去巫山岑

美人一相見遺我白玉環上有雙雕龍遊戲在雲間  
持此感深意佩結無時閒玉以以貞潔環以明不絕  
雲龍永相從誰能使離別

明星爛東方北斗亦已旋獨宿悲夜徂空林藉蘭荃  
雞鳴整環珮思奉君子造君子行未歸新粧為誰妍  
意踈覺去遙咫尺越與燕含情乏彤管何以寫中情  
君如縷上瓶妾如井底泉不垂汲引惠澄瑩徒終年

堂上歌行

堂上歌歌南山主人為歡仰客顏翠帷夜卷出兩鬢  
移尊更飲花樹間花樹間有明月客不醉歌不歇

贈金華隱者

我聞名山洞府三十六一一靈蹤紀真籙金華秀出  
向東南遠勝陽明與勾曲樓臺縹緲開烟霞天帝賜  
與神仙家靈源有路不可入但見幾片流出雲中花  
子房之師赤松子三千年前亦居此飛蹤恍惚誰解  
尋謾說至今猶不死松花酒熟何處遊瑤草自綠春  
岩幽群羊卧地散如石老鹿畊田馴似牛聞有隱君  
子迺是學仙者自從入山中不曾到山下世人莫識

其姓名以山呼之不敢輕樵夫忽見苦未識只疑便是黃初平嗟我胡為在塵網遠望高峰若天壤茯苓夜煮儻許食鐵杖來敲石門響

孫賁仲衍廣東人

期羅浮蕭鍊師不至

石室松桂秋涼風滌殘暑柴門敞空曲曠夕懷仙侶巢笙久不至鶴馭今何許朗月流清輝山中樂延佇

寄琪林黃道士

雨絕天景佳前榮樹光綠遙憐採芝侶遠在春山曲琴歌久已斷酒賦何由續有約今夕同開樽掃茅屋南園歌寄王河東彥舉

昔在越江曲南園抗風軒群英結詩社盡是詞林仙南園二月千花明當門綠柳啼春鶯群英絡組照江水與余共結滄洲盟滄洲之盟誰景雄王郎獨有謫仙風狂歌放浪玉壺缺劇飲淋漓宮錦紅青山日落情未已王郎拂袖花前起歡呼小玉彈鳴箏醉倚庭梧按宮徵哀絃冷樂向終忽看華月出天東裁詩復作夜遊曲銀燭飛光如白虹當時意氣凌寰宇湖海詩聲萬人許酒徒散落黃金空獨卧茅簷夜深雨分飛幾載遠離群啼來城市還相親閑來重訪舊遊處蒼烟萬頃波鄰波鄰日將夕西風一葉凌虛舟猶可題詩向青壁

羅浮歌寄洛陽李長史仲脩

亭。西樵峯宛在南海湄。日華麗仙掌。影漾金銀池。  
我昔扁舟縱長往。凌風浩蕩烟霞想。幽尋更欲探神  
竒。復向羅浮事仙賞。仙家三十六洞天。羅浮夙與滄  
洲連。丹霞射影四山靜。群真環珮來翩翩。藥珠之峯  
數千丈。君時與我緣蘿上。水簾直下飛晴虹。萬壑天  
風度。流響山中劉郎司玉臺。仙書授我琅函開。心如  
明月炯。虛照身與浮雲同去來。此時會合那能再。塵  
土分飛忽三載。我行奏賦登金闕。君亦乘軺度淮  
海。淮海迢迢烟樹深。相思歲晚結愁心。晴天萬里碧  
雲遠。何由一寄還山吟。山中洞房春寐。山中之人

長歎息。松花酒熟人不歸。瑤草東風幾回碧。

宋璩仲珩金華人

採桑曲

桑芽露春微似粟。小姑把蠶試新浴。素翎頻掃細於  
蟻。嫩葉織。初上拍朝採桑。暮採桑。採桑不得盈頃  
筐。羞將辛苦向姑語。妾命自知桑葉比。家中蠶早未  
成眠。大姑已賣新絲錢。岸上何人紫花馬。却欲拋金  
桑樹下。

春夜辭

春閣凝温翠雲繞。五色流蘇垂嬈嬈。美人自脫玉花  
鈿。子帳香棲綠衣鳥。銅鳧漏聲夜初墜。紅暈搖晴燃

蠟火欲寄相思無鯉魚。月色梨花愁朶。謾將軟帶  
結同心。開簾微步。鞦韆陰芳。眠未穩。鴛鴦枕。早樹重  
重啼翠禽。

寄章允載兼柬項思復

憶昔到京畿。與子寓官廨。一見即相驩。不翅舊交快。  
維時困道塗。驅車久行邁。忽逢苑擔初。欣若身脫械。  
握手坐氍毹。軟語慰疲憊。情投比黏膠。意慳甚搔疥。  
項君數過余。滯下喜方瘥。三人互談噱。何殊合糾繯。  
驟鑣出游行。古蹟探竒恠。路入青蓮宮。駐足聽梵唄。  
薄晚始旋邸。傾倒形忘瘵。周詳論書譜。從容說詩派。  
凡習尚浮華。遺音日已壞。作者固縻夥。咸韶混夷誅。

瀟倒并波隨。疇能拯危敗。顧余擗散材。頻年處卑隘。  
枘鑿乖方圓。甘遭世俗賣。人將競嘲譏。子乃敦教誡。  
苦言加箴規。默使心解。酒酣示新篇。辭源極滂湃。  
却類任公子。投竿下群獐。應知藝嘉禾。薈治絕稊稗。  
讀之神駭籟。秋蛩罷嘶唱。政圖藉薰陶。別還隔遙界。  
欲叩寢食安。但復占爻卦。浦汭守衡茅。無從豁矇瞶。  
譬諸鐵在爐。伊誰鼓風鞴。况乃患沉痾。軀命猶纖芥。  
侵尋閱暑寒。孱弱之剛夬。精神盡凋耗。面目多腫瘿。  
布衾暖悶眠。藥貼晴簷曬。年來獲告瘳。書齋仍掃灑。  
猿鶴亦爭慶。似索烟霞債。綴賦詠雕蟲。攻篆學垂薤。  
有時看飛泉。四山寂無吳。思取古遺經。一覽適炙暍。

蘭膏繼以晷。警昏懈視已常歛。然進業慙質。難志須成。絲枲未能脫。管蔽萬信。宴安中懷。毒劇蜂蠆。蚤暮自深省。此語諒非僿。近聞子亦歸。親朋樂情話。千里感貽書。殷勤馳一介。而翁幸康彊。愧缺床下拜。執簡立臺端。百壬不敢噫。道遠竟莫前。動若飛翻鏃。歲月無停軌。季秋倏已屆。籬菊傍雲肥。江山日如畫。軒車幾時來。夜雨一燈掛。明德正可崇。相期各云勸。

劉仔肩汝弼都陽人

遊仙詩二首

登冶城山作示張玄德道士

神州闡佳麗。冶城閱玄虛。琳宮際霄漢。綵閣臨天衢。蕭蕭神響集。泠泠祥飈俱。要眇引鳳吹。飄飄曳霞裾。

陵陽與服食。安期共興居。左覽金匱記。右抽鴻寶書。鍾山足靈草。沅池多白魚。永言駐精魄。為結羲和車。靈境啓赤縣。丹臺麗璇霄。虛樞洞弘敞。飛閣凌岩堯。倒景返曜靈。玄靈散祥飈。鶴駕儼驟馭。霞佩紛招搖。青島引翠蓋。瓊娥合仙韶。食和豈殤顏。飲玉皆松喬。上壽安足喻。千齡等崇朝。脫屣九垓上。後視三光凋。

贈張時敬還荆南

隨牒適荆土。倦遊滯京畿。謀生苦拙訥。事與心恒違。朋儔一疏闊。山川復間之。音問曠莫達。何為遽來斯。世故有變遷。歲月成推移。頽藻減丹渥。衣塵化為緇。稍欣披雲霧。復覩聯珠璣。意慙苦不早。情深發彌遲。

夕語厭促漏晨遊恐斜暉論舊已慨歎况乃重乖離  
春草滿南浦時花匝郊圻乖人無為歡感物悲路歧  
昔別已三載重來復何時幸茲書軌同遠邇無不宜  
逸足志四海霸禽戀故枝言念屬繁翰聊以叙所私

登北山

薄言出東郭縱步陟北嶺油雲冒峯嶸寒松雜脩挺  
林翳景若暝谿迴路猶引崇基擬素志澄淵鑑清影  
遵險既易常臨深亦逾謹朋遊並登眺妙趣心獨領  
寄想烟霞濱超然欲歸隱

題朱氏篁谷

蘭澤蔽宿草樹丘無餘芳睠茲淮陽谷齷彼多脩篁

雨葉偃翡翠風梢亞琳琅幽人感歲暮托跡同雪霜  
曾謂白駒至載覩鳴鳳翔神慮紛蕭散遐心信徜徉  
寤言契斯樂永矢不可忘

題國子生桑懋思勤齋卷後

去日忽已速耒日亦不停念彼自脩士惕然動中情  
宴安豈可懷華耀非所營升堂服師訓旁構羅群經  
投迹謝塵軌焚膏繼朱明於焉肆探賾所冀業日精  
竊求頽生志載慕殷湯銘夙夜苟自勵此篇其可徵

春日與李二文學遊城南

浩蕩關河遠周流歲月新獨醒愁對酒多病怕逢春  
梅柳南城路鶯花紫陌塵若為聯騎出為爾謫仙人

公子

玉雪諸公子，聯翩出鳳城。  
柳橫絲障綠，花擁繡衣明。  
玉勒迴香騎，金丸落小嬰。  
晚酣邀上客，歌吹向蓬瀛。

得鄉書

鄉書不忍看，憂緒每多端。  
鶴髮慈親老，鶉衣稚子寒。  
園田多撥棄，耆舊半凋殘。  
朝夕東歸念，雲山正渺漫。

別墅晚晴與鄰叟父立

郊原初雨歇，散步出荆扉。  
落日在高樹，涼風生客衣。  
佛香僧舍近，江影塞鴻飛。  
亦有南隣叟，忘言相與歸。

夜讌

上相勲庸盛，霸人會合難。  
昔曾陪鉞戟，今乃廁衣冠。

酒向佳人醉，花隨錦障看。  
篆香瑤匣換，銀甲小箏彈。  
內屋開新色，重簾護薄寒。  
首看呈海陸，妙舞播林蘭。  
賢達濟梁苑，才華擬建安。  
任情從客狎，劇飲樂杯乾。  
門第青春迥，星河五夜闌。  
歸鞍拂華薄，雲露已漙漙。

春曉曲

紫絲複帳流蘇結，雲母屏風疊香雪。  
門前嬌柳乳鴉啼，暖漏丁二曉。  
將徹花枝入簾紅，尚小蘭露着衣香。  
不歇江南行客，歸未歸芳草春風滿城闕。

鳳臺吟贈王道士

我昔慕仙侶，東遊求蓬萊。  
朝辭黃鶴樓，暮憩丹鳳臺。  
鳳臺高，入窈冥。  
恍若玄圃開，神京陽烏頽。  
兔耀光。

彩銀臺金闕同崢嶸其陽生梧桐其陰出醴泉榮光  
休氣集九仞鳳凰一鳴三千年客有王子晉聞之棄  
綈山時來鳳臺上吹笙月明間我將從之弄明月了  
然便覺心神閒且為鳳臺吟復和鳳臺曲願隨鳳臺  
人飄翩跨雙鹿昨日麻姑海上來為言海宇無氛埃  
蟠桃再結金丹熟相與翱翔凌六垓

荆南江晚眺有感

沙頭寒二晚維舟詞客重來感舊遊江上夕陽諸葛  
廟雨中芳草仲宣樓天連錦水來春色雲暗襄陵起  
暮愁回首可憐梁甫意一官牢落向南州  
題李宗伯所藏趙仲得墨蘭

瑣窗春畫堂深處獨愛王孫骨氣清何事花前雙蝶  
蝶飛來羅袖最多情

望闕口號

闔闔排雲寶殿開千官猶驚早朝回不知誰獻玉褒  
頌得奉  
君王萬壽杯



雅頌正音後序

鄱陽劉汝弼所輯雅頌正音若干卷多名公卿  
之作而林泉之士上頗見一二焉辭工師之於大  
木必徂練新甫是求蓋徂練新甫實松柏之所  
產也今京師者四方人林所萃汝弼采詩苟不  
於此焉是舍徂練而取松離新甫而取柏也其  
可乎哉雖往

聖朝以神武混一寰宇九夷八蠻莫不梯航入貢  
聲詩之作此惟其時故觀汝弼所采春容乎長篇  
鏗鏘乎短韻其氣昌而腴其體正而雅非純於治  
世之音者歟昔鳳凰鳴於岐山說者以為文王治

化之感台理不可誣今天下之士得陶寫性靈以鳴  
國家之盛其與生文王之時者夫又何遠歟鳳鳥  
之祥不過一物之靈於其鳴也或尚知美之况  
人為萬物之靈者歟此集之輯所以不敢後之  
歟抑余聞承平之世山川草木咸成文章不特  
名公卿而已林泉之下豈無秀作足以誇盛唐  
而追漢魏者汝弼尚多采之庶幾成一代之盛  
典余非知詩者常與汝弼游知其博學有識去  
取甚嚴可以垂後而傳遠故相与一予之汝弼之  
詩間一附見意欲承教於君子然其雜麗典  
則豈所謂善鳴者歟王君舉直不沒人善取以

錢法祥其亦好義之士也歟洪武三年冬十  
二月功望湖河張孟兼序





